



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Missæ falsa interpretatio per sectarios. tit. 116

urn:nbn:de:hbz:466:1-29452

ipsis sanctis, qui hoc nec cupiunt, nec indigent. At solum memoriam illorum cogitantes, quantum ipsi per fidem vicerunt regna, Heb. 11. & vt nobis quoque concedatur gratia, rogamus eorum patrociniū.

Non autem vna est memoria passionis Christi & sanctorum. Christi memoriā agimus, veluti qui suo sanguine nos redemit, cuius virtute saluamur, qui est propitiatio in sanguine suo, Roman. 3. At sanctorum memoria agitur in Missa, veluti testium, qui & hoc, quod credimus de Christo, sanguine testati sunt. Nō autem eorum sanguinis fusio nos redemit, sed Christi, &c. Non igitur ipsis, sed Deo Missam agimus. Sic omnia alia in Missa propter Christi victimam nobis concedi petimus, &c.

*MISSAE FALSA INTERPRE-
tatio per sectarios.*

TITVLVS CXVI.

RIA sunt, quæ sectarij opponunt contra Missam. Primum, quia sit nouum & singulare sacrificium, quod mercatur remissionem, contra sacrificiū crucis. Secundò, quòd in illa sancti adorantur & inuocantur in blasphemiam Christi.

Tertiò, quòd res ludicra agitur cum vestimentis, ceremonijs, quandò Christus sine omni vestitu simpliciter celebrauit. Ideo Missa est blasphemia Christi, & grauius peccatum, quàm violare virgines.

Primò mendacium est, quòd Missa sit nouum vel distinctum aut singulare sacrificium, quo mereamur remissionem & salutem, sed est solum memoria istius sacrificij, quod non meretur remissionem, sed oratio, petitio est, vt nobis condonetur remissio peccatorum propter actum crucis, Ioā. primo. Agnus Dei, &c. Hoc sacrificium crucis vnicum est propitiatorium.

rium. Missa est gratiarū actionis & laudis sacrificium non pœnale vel sanguinolētum. Canon ergo Missæ, id est, Ecclesiastica forma & regula celebrandi, ornatus est propter vniformitatem, quam hæretici habent, sed tot formulas, quot ciuitates. At iubetur bis Paulus 1. Cor. 14. Omnia fiant honestè & secundum ordinem in vobis. Subindè Canon orationis, non, vt sicut Deus in minoribus sacrificijs munera Abel. Gen. 4. sacrificium Melchisedech & Abrahæ Patriarchæ, Gene. 14. acceptauit & eorum deuotionem & illorum orationem, ita multò amplius nunc nostram deuotionem & orationem acceptare dignetur. Nō rogamus, vt placeat patri filius, quē scimus alioqui semper Deo placere: Nec vocamus panem & vinum antè cōsecrationem sacrificia, ex quibus habemus remissionem peccatorum, sed secundum id, quod iam futura sunt, id est, corpus & sanguis Christi, propter eūdem petimus remissionem. sic Gen. 25. vocantur duæ gentes in utero Rebeckæ, &c. non quod iam tales fuissent, sed futuræ essent.

Secundò, mendacium est, quia sanctos adoramus in Missa. Nemo adorandus est nisi Deus. Matt. 4. Dominum Deum tuum adorabis, & illi soli seruies. Sed solum memoriam sanctorum agimus, rogantes, vt sicut Deus per meritum passionis & sacrificij Christi illos saluauit, & nos sic saluet. Subindè, vt ipsi quoque pro nobis orent, vt Deus hæc nobis distribuat propter Christum. Postremò & nos pro fratribus nostris & commembris corpore mortuis, sed spiritu uiuentibus oramus in Missa, vt propter effusum sanguinē Christi liberentur à pœnis, iuxta id 2. Mach. 12. Sancta & salubris &c. Sic scimus morte naturali non dissolui charitatem, quæ nunquàm excidit &c. Nihil ergo derogatur Christo, 1. Cor. 13.

Tertiò, optimè nouit Ecclesia catholica, quod ceremoniæ & vestes Missæ, nō sunt de essentia Missæ, id est,

et non consecrant sacramentum: sed quoniam in
Missa est memoria passionis Christi, scilicet, quomo-
do tractatus est, id est, ligatus in horto, id significat
stola, manipulu, vestis alba Herodis Praterca Pilati
casula, &c. ob maiorem deuotionem & reuerentiam
erigendam, hec fiunt. Derisit olim Michol Dauid,
2 Reg 6. Ideo mansit sterilis &c. Non ergo superua-
canea sunt.

*EUCHARISTIA QUID SIT,
& cur instituta à Christo.*

TITVLVS CXVII.



Eucharistiæ sacramentum est verum &
uiuum & non amplius mortale corpus
& sanguis Christi, adunitum cum diui-
nitate, sub specie panis & vini.

Primò, immortale corpus, Roman. 6. Amplius non
morigitur. Ideò Apostolis dedit Christus mortale cor-
pus in cena antequàm fuit mortuus. At nos iam ta-
le corpus Christi accipimus, quale post resurrectionē
habet glorificatum, & ad dextram patris sedens.

Secundò, verum corpus: non enim est hic figura
vel signum corporis & sanguinis Christi, sed inquit
Marth 26. Hoc est corpus meum, &c. Non dicit, est si-
gnam vel dimidiū panis, & dimidium corporis, sed,
Hoc est corpus meum &c.

Tertiò, uiuum corpus, sicut iam Christus corpo-
re & sanguine verè uiuit ad dextram patris, Marc. vl-
timo. Ideo sicut sanguis iam à corpore in cœlo non
potest separari, sic est in sacramento. Ideo sanguis
cum corpore coniunctim & simul accipitur à com-
municante: ideo dicitur corpus. Nam sanguis dum
est separatus à corpore, corpus non dicitur corpus,
sed cadauer. At vocat Paulus 1. Corinth. 11. corpus
Domini, &cæt,

Vu . Quartò,